

欽定四庫全書薈要

集千家註杜工部詩集
次山集
權文公集

吉林出版集團有限責任公司
海天出版社

吉林出版集團有限責任公司
海 天 出 版 社

欽定四庫全書薈要

集 部
別集類

目次

書名	卷次	頁次	作者
集千家註杜工部詩集 卷首 卷一 卷二 卷三 卷四 卷五 卷六 卷七 卷八 卷九 卷一〇 卷一一 卷一二 卷一三	卷一—卷二〇	三六〇—一 三六〇—六 三六〇—二七 三六〇—四七 三六〇—七一 三六〇—八八 三六〇—一〇六 三六〇—一二八 三六〇—一四三 三六〇—一六四 三六〇—一八五 三六〇—二〇一 三六〇—二一七 三六〇—二三二	唐・杜甫撰 編註人名氏無考

書名	卷次	頁次	作者
卷一四		三六〇—二四九	唐・元結撰
卷一五		三六〇—二七一	
卷一六		三六〇—二八八	
卷一七		三六〇—三〇一	
卷一八		三六〇—三二一	
卷一九		三六〇—三五一	
卷二〇		三六〇—三七〇	
文集	卷一—卷二		
卷一		三六〇—三八九	
卷二		三六〇—四〇五	
次山集	卷一—卷二		唐・元結撰
卷首		三六〇—四二五	
卷一		三六〇—四三三	
補樂歌十首	二風詩序		
亂風詩五篇	二風詩論		
卷二		三六〇—四三八	
元謨 演謨 楚何惑王賦 繫謨 說楚何荒王賦 說楚何憎王賦 說			

書名	卷次	頁次	作者
卷三 閔荒詩一首 繫樂府十二首 石宮四詠 與黨評事 與黨侍御 寄源休 與灋 溪鄰里 喻灋溪鄉舊遊 忝官引 樊上 漫作 酬裴雲客 酬孟武昌苦雪 漫問 相里黃州 喻舊部曲 雪中懷孟武昌 喻常吾直 招孟武昌 登殊亭作 漫酬 賈沔州 漫歌八曲 卷四 春陵行 賊退示官吏 遊右溪勸學者 遊 漣泉示泉上學者 石魚湖上作 宴湖上亭 作 引東泉作 登白雲亭 漣陽亭作 夜 譙宴石魚湖作 招陶別駕家陽華作 題孟 中丞茅閣 劉侍御月夜讌會 別孟校書 別何員外 宸樽詩 登九疑第二峰 宿洄 溪翁宅 石魚湖上醉歌 宿無爲觀 無爲 洞口作 朝陽巖下歌 說洄溪招退者 宿 丹崖翁宅 欽乃曲五首 卷五 引極三首 演興四首 七不如七篇 訂 古五篇 自述三篇 卷六		三六〇—四四四 三六〇—四五七 三六〇—四六四	

書名	卷次	頁次	作者
自箴 大唐中興頌 虎蛇頌 瀼溪銘 異泉銘 杯搏銘 退谷銘 杯湖銘 五 如石銘 七泉銘 寒泉銘 陽華巖銘 窠搏銘 丹崖翁宅銘 朝陽巖銘 浯溪 銘 卷七 與韋尚書書 與李相公書 與韋洪州書 與呂相公書 與何員外書 篋中集序 別韓方源序 別王佐卿序 劉侍御月 夜讌會序 送孟校書往南海序 送譚山 人歸雲陽序 別崔曼序 送王及之容州 序 問進士五篇 卷八 時議三篇 管仲論 竊論 丐論 漫論 化虎論 辯惑二篇 喻友 卷九 元魯縣墓表 哀丘表 左黃州表 呂公 表 惠公禪居表 夏侯岳州表 舜祠表 崔潭州表 張處士表 菊圃記 廣宴 亭記 殊亭記 右溪記 道州刺史廳記 茅閣記 九疑山圖記 寒亭記		三六〇—四七〇 三六〇—四七七 三六〇—四八六	

書名	卷次	頁次	作者
卷一〇 為董江夏自陳表 辭監察御史表 為呂 荆南謝病表 請節度使表 乞免官歸養 表 謝上表 再謝上表 慶德二年賀赦 表 永泰元年賀赦表 請省官狀 唐鄧 等州縣官 請給將士父母糧狀 請收養 孤弱狀 舉呂著作狀 奏免科率狀 奏 免科率等狀 論舜廟狀 舉處士張季秀 狀 卷一一 縣令箴 五規 惡圓 惡曲 水樂說 訂司樂氏 浪翁觀化 卷一二 唐亭銘 岵臺銘 東崖銘 水樂銘 文 編序 送張玄武序 讓容州表 權文公集 卷首 卷一 賦 詩 卷二	卷一—卷一〇	三六〇—四九三 三六〇—五〇〇 三六〇—五〇五 三六〇—五一〇 三六〇—五一三 三六〇—五二一	唐·權德輿撰

書名	卷次	頁次	作者
詩 卷三 詩 卷四 詩 卷五 詩 卷六 詩 卷七 詩 卷八 歌詞 卷九 詩 卷一〇 詩		三六〇—五二七 三六〇—五三三 三六〇—五三八 三六〇—五四五 三六〇—五五二 三六〇—五五六 三六〇—五六三 三六〇—五六七	

欽定四庫全書薈要

集部

集千家註杜工部詩集卷一

御製讀杜子美集

太羹有至味黃鍾具元音之子誠忠愛遺編足探尋憂
懷匡社稷逸志託山林諷讀消長夏悠然獲我心

乾隆辛酉季夏

讀杜詩率題

詩稱杜聖李謫仙吾於甫也無間然韓愈論文要氣勝
不合而同甫有焉貫穿今古氣豪邁元輕白俗識知言
吾昔少年時亦曾窺其藩今也時復披卷讀乃知學步

欽定四庫全書

御製詩集千家註杜工部集

一

非且難乃知學步非且難惟以棄日適幾閒況乎治亂
興衰具詩史豈可與批風弄月以為詩者同日而與同
時觀

乾隆丁卯季春

讀杜詩

我讀杜詩亦已屢每一開編興會殊與造物遊不知窮
柳州所言謂是乎衙官屈宋徒自詡律驚神鬼誠無如
尋章摘句祇陋耳抹月批風猶故吾

臣王杰詳校
詳校官助教臣常循

杜詩

杜詩於我有何緣每一見之不忍捨寒為衰日可宜冬
暑作雄風足消夏於唐拔爾軼盧駱在漢綽然婉班馬
清詞麗句空古今一一皆從性中寫嗚呼今而有其人
磬折吾當拜風下

乾隆丁卯季秋

右四首謹依
御製詩初集恭錄

欽定四庫全書

集千家註杜工部詩
御製詩

二

欽定四庫全書薈要

集千家註杜工部集

提要

臣等謹案集千家註杜工部集二十二卷不
著編輯人名氏前載王洙王安石胡宗愈蔡
夢弼四序所採不滿百家而題曰千家蓋自
誇撫拾之富如魏仲舉韓柳集註亦虛稱五
百家也其句下篇末諸評悉劉辰翁之語朱

欽定四庫全書

集千家註杜工部集
提要

二

彛尊謂夢弼所編入然夢弼所撰本名草堂
詩箋其自序內標識注例甚詳與此本不合
宋犖謂杜詩評點自劉辰翁始劉本無註元
大德間有高楚芳者刪存諸註以劉評附之
此本疑即楚芳所編也辰翁評所見至淺其
標舉尖新字句殆於竟陵之先聲王士禛乃
比之郭象註莊蓋未為篤論至編中所集諸
家之註真贋錯雜亦多為後來所抨彈然宋

以來註杜詩者已鮮有專本傳世遺文緒論頗賴此書以存其筭路籃縷之功亦未可盡廢也乾隆四十三年二月恭校上

總纂官_臣紀昀_臣陸錫熊_臣孫家鼐

總校官_臣陸費墀

集千家註杜工部集原序

叙曰杜甫字子美襄陽人徙河南鞏縣曾祖依藝輩令祖審言膳部員外郎父閑奉天令甫少不羈天寶中獻三賦召試文章授河西尉辭不行改右衛率府胄曹天寶末以家避亂鄜獨轉陷賊中至德二載竄歸鳳翔謁肅宗授左拾遺詔許至鄜迎家明年收京扈從還長安房琯罷相甫上疏論琯有才不宜廢免肅宗怒貶琯邠州刺史出甫為華州司功屬闕輔饑亂棄官之秦州又居成都同谷自負薪採椶舖措不給遂入蜀卜居成都浣花里復適東川久之召補京兆府功曹以道阻不赴欲如荆楚上元二年聞嚴武鎮成都自閬挈家往焉武歸朝廷甫浮遊左蜀諸郡往來非一武再鎮兩川奏為節度叅謀檢校工部員外郎賜緋永泰元年夏武卒郭英乂代武崔旰殺英乂楊子琳栢貞節舉兵攻旰蜀大亂甫逃至梓州亂定歸成都無所依乃泛江遊嘉戎次雲安移夔州大厯三年春下峽至荆南又次公安入湖

南沂沔湘流遊衡山寓居耒陽嘗至嶽廟阻暴水旬日

不得食耒陽聶令知之自具舟迎還五年夏一夕醉飽

卒年五十九觀甫詩與唐實錄猶緊見事迹比新書列

傳彼為跡駁詩傳云名試京兆兵曹而集有官定後戲贈

傳云適赴河西謁肅宗於彭原而集有喜達行在詩註

云自京窺至鳳翔傳云嚴武卒乃遊東蜀作高適既至

而適卒按適自東川入朝拜散騎常侍乃卒又集有忠

州聞高常侍亡詩傳云扁舟下峽未維舟而江陵亂乃

遊襄陽而集有居江陵乃公安詩至多傳云甫永泰二

年卒而集有大歷五年正月追酬高蜀州寄詩及別題

大歷年者數篇須溪先生云甫詩寂可考而舊史疏畧至此他不可考奈何

今秘府舊藏通人家所有稱大小集者皆亡逸之餘人

自編據非當時第叙矣蒐哀中外書凡九十九卷古本

蜀本二十卷集畧十五卷樊晃序小集六卷孫光憲序

二十卷鄭文寶序少陵集二十卷別題小集二卷孫僅

二卷雜除其重複定取千四百有五篇凡古詩三百九

十有九近體千有六起太平時終湖南所作視居行之

次與歲時為先後分十八卷又別錄賦筆雜著二十九

諸寶元二年十月翰林學士兵部郎中知制誥史館修

撰王洙原叔記

序曰予考古之詩尤愛杜甫氏作者其辭所從出一莫

知窮極而病未能學也世所傳已多計尚有遺落思得

其完而觀之每一篇出自然人知非人之所能為而為

之者惟其甫也輒能辨之予之令鄆客有授予古之詩

世所不傳者二百餘篇觀之予知非人之所能為而為

之實甫者其文與意之著也然甫之詩其完見於今者

自予得之世之學者至乎甫而後為詩不能至要之不

知詩焉爾嗚呼詩其難惟有甫哉自洗兵馬下序而次

之以示知甫者且用自發焉皇祐壬辰五月日臨川王

安石序

序曰草堂先生謂子美也草堂子美之故居因其所居

而號之曰草堂先生先生自同谷入蜀遂卜成都浣花

江上萬里橋之西為草堂以居焉唐之史記前後抵梧

先生至成都之年月不可考其後先生寄題草堂云經

營上元始斷手寶應年然則先生之來成都殆上元之

360 — 4

初乎嚴武入朝先生送武至巴西遂如梓州蜀亂乃之
閬州將遊荆楚會武再鎮兩川先生乃自閬州挈妻子
歸草堂武辟先生為叅謀武卒蜀又亂先生去之東川
移居夔州遂下荆渚沅湘上衡山卒於耒陽先生以
詩鳴於唐凡出處去就動息勞佚悲懼憂樂忠憤感激
好賢惡惡一見於詩讀之可以知其世學士大夫謂之
詩史其所遊厯好事隨處刻其詩於石及至成都則闕
然先生之故居松竹荒涼畧不可記今丞相呂公鎮成
都復作草堂於先生之舊址繪先生之像於其上宗愈
假符於此乃錄先生之詩刻石置於草堂之壁間先生
雖去此而其詩之意有在於是者亦附其後庶幾好事
者於以考先生去來之迹云元祐庚午資政殿學士中
大夫知成都軍府事胡宗愈序

少陵先生博極羣書馳騁今古周行萬里觀覽謳謠發

為歌詩奮乎國風雅頌不作之後比興相伴哀樂交貫

揄揚敘述妙達乎真機美刺箴規該具乎衆體自唐迄

欽定四庫全書

集千家註杜工部集
原序

五

欽定四庫全書

集千家註杜工部集
原序

五

今餘五百年為詩學之宗師家傳而人誦之故元微之
誌其墓曰詩人以來未有如子美者信斯言矣況我國
家祖宗肇造以來設科取士詞賦之餘繼之以詩詩之
命題主司多取是詩惜乎世本訛舛訓釋絀繆有識恨
焉夢弼因博求唐宋諸本杜詩十門聚而閱之重複參
校仍用嘉興魯氏編次先生作詩歲月之先後以為定
本每於逐句本文之下先正其字之異同次審其音之
反切方作詩之義以釋之復引經子史傳記以證其用
事之所從出離為若干卷目曰草堂詩箋凡校讎之例
題曰樊者唐潤州外史樊晃小集本也題曰晉者晉開
運二年官書本也曰歐者歐陽永叔本也曰宋者宋于
京本也王者乃介甫也蘇者乃子瞻也陳者乃無已也
黃者乃魯直也刊云一作某字者係王原叔張文潛蔡
君謨是以道及唐之顧陶本也又如宋次道崔德符鮑
欽止暨太原王禹玉王深父薛夢符薛蒼舒蔡天啓蔡
致遠蔡伯世皆為義說其次如徐居仁謝任伯呂祖謙

高元之暨天水趙子櫟趙次翁杜脩可杜立之師古師
民瞻亦為訓解復參以蜀石碑諸儒之定本各因其實
以條紀之至於舊德碩儒間有一二說者亦兩存之以
俟博識之決擇是集之行俾得之者手披目覽口誦心
惟不勞思索而昭然義見更無纖毫凝滯如親聆少陵
之謦歎而熟覩其眉宇豈不快哉大宋嘉泰天開甲子
正月穀旦建安三峯東塾蔡夢弼傅卿謹識

欽定四庫全書會要卷一萬三千六百七十二集部

集千家註杜工部詩集卷一

遊龍門奉先寺

唐書曰龍門在東都河南縣地志云關塞山一名伊闕而俗名龍門

黃鶴曰唐志河南縣龍門山東抵天津有伊水然後漢志唐志俱云馮翊有龍門山按馮翊與河中府為鄰而河中有龍門縣又有龍門山志云即導河至龍門之地地記云梁山北有龍門並在河中之境故河中有龍門關龍門倉九域志云河南縣有龍門鎮又有關塞山云即龍門薛仁貴傳云絳州龍門人則絳州亦有龍門公自秦赴同谷道經龍門鎮則秦成間又有龍門當考絳至河中不滿三百里馮翊至河中不滿百里兩地相接按地理河南即春秋時屬魏地後魏兼置雍州乃屬秦州

宜此山之跨數郡是詩乃公開元二十四年後遊東都作

已從招提遊更宿招提境陰壑生靈籟月林散清影天

闕象緯逼雲臥衣裳冷

卧字可虛可實用天闕語渾若天闕天闕豈不牽強耶欲

覺聞晨鐘令人發深省

師古曰釋書招提菩薩皆古佛號故寺謂之招提或名伽藍或

名道場其實一也靈籟即風也猶雨曰靈雨蔡夢弼曰本一作虛籟蔡條西清詩話荆公云天闕當作天闕對雲卧為親切章述東都記龍門號雙闕以與大內對峙若天闕焉此龍門詩也用闕字無疑

贈李白

夢弼曰時李白將為梁宋之遊鶴曰詩云李侯金閨彦亦有梁宋遊當是開元二十

四年下考功第後遊齊趙時作按公壯遊詩云放蕩齊趙間裘馬頗清狂快意八九年西歸到咸陽

則歸京師在天寶四五載而李白傳云天寶初已到刺中則此詩當在於開元二十四五載作蓋公詩云二年客東都又有梁宋遊殆是初遊齊趙時梁權道編在十二載非

二年客東都所歷厭機巧野人對羶腥蔬食常不飽豈

無青精飯使我顏色好苦乏大藥資山林跡如掃李侯

金閨彥脫身事幽討亦有梁宋遊方期拾瑤草野人所喜者蔬

食第對羶腥故思青精飯耳使有大藥資隱山林絕人跡豈願見此機巧者乎舊解屑屑難合此其至淺者王

彥輔曰東都洛陽也學林新編云陶隱居登真訣有乾石青精飯飯音迅謂食也其法即南燭草水浸米蒸

飯暴乾其色青如鸞珠食之延年此子美所謂青精飯也杜修可曰丹書抱陽山人藥證曰夫大藥者須鍊沙

欽定四庫全書

集千家註杜工部詩集

二

中采能取鉛底金黃芽為根蒂水火鍊功深玉洙曰江文通別賦金閨之諸彥註金閨金馬門也鮑彪曰白嘗供奉翰林故云趙次公曰梁謂汴州今之東京宋謂宋州今之南京也山海經始瑤之山帝女死焉化為瑤草江文通別賦云惜瑤草之徒芳即曰瑤草乃珊瑚樹之類仙家用以合丹藥服餌

望嶽

岱宗夫如何齊魯青未了

望嶽而言即齊魯青未了五字雄蓋一世○青未了語好

夫字誰何跌蕩非湊造化鍾神秀陰陽割昏曉盪胸生

曾雲對下句苦○盪胸語不必決皆入歸鳥會當凌絕

頂一覽衆山小鄭昂曰岱宗泰山也今屬兗州升中告代於此是山為五嶽之長故曰岱宗趙

曰陰陽割昏曉如史記言崑崙日月所相避隱為光明也割者分也洙曰張衡南都賦涓水盪其脅鄭曰盪他浪切師曰曾與層通趙曰皆目曉也音精細切司馬相如賦弓不虛發中必決此借用其字

劉九法曹鄭瑕丘石門宴集

鶴曰按唐志瑕丘縣本魯瑕丘屬兗州

石門屬齊州

秋水清無底蕭然淨客心掾曹乘逸興鞍馬到荒林能

更逢聯璧華筵直一金晚來橫吹好泓下亦能吟無可取口

洙曰漢制以曹官為掾如屋之椽也言其有所肩荷晉潘岳夏侯湛美容觀每同行入謂之連璧張詠曰史記

莊古人以一鎰為一金一鎰三十兩也沈括曰漢書班超傳註胡樂有橫吹之名洙曰馬融長笛賦近世雙笛

欽定四庫全書

集千家註杜工部詩集

三

從羌起羌人戍竹未及已龍鳴水中不見已截竹吹之聲相似

與李十二白同尋范十隱居

李侯有佳句往往似陰鏗余亦東蒙客憐君如弟兄醉

眠秋共被攜手日同行更想幽期處還尋北郭生入門

高興發下註脚不得終待親見自喻耳侍立小童清落景聞寒杵屯雲

對古城向來吟橋頌誰欲討蓴羹誰恐是惟字不願論簪笏

悠悠滄海情洙曰陳書陰鏗字子堅善五言詩為當時所重趙曰東蒙山在兗州洙曰後漢基肱

兄弟同被而寢趙曰北郭生指言范十隱居修可曰楚詞有橋頌趙曰晉張翰在齊王同府見秋風起思吳中

菰菜蓴羹鱸魚
膾炙人口

題張氏隱居二首

鶴曰按舊唐書李白傳云少與魯中諸生張叔明等隱于徂徠

山號為竹溪六逸又子美雜說云魯有張叔卿意叔明叔卿止是一人卿與明有一誤耳不然亦兄弟也是詩題張氏隱居豈其人歟詩中不貪遠害之句與白傳及雜述意頗合

春山無伴獨相求
伐木丁丁山更幽
澗道餘寒歷冰雪

石門斜日到林丘
不貪夜識金銀氣
遠害朝看麋鹿遊

乘興杳然迷出處
對君疑是泛虛舟
鶴曰石門見前註

軍破國之墟下積金寶上皆有氣今詩意謂不貪故夜識其氣也師曰虛舟喻虛已以遊世沫曰莊子方舟而

欽定四庫全書

集千家註杜工部詩集

四

濟於河有虛船來觸舟雖有偏心之人不怒人能虛已以遊世其孰能害之

之子時相見
邀人晚興留
濟潭鱸發發
春草鹿呦呦
杜

酒偏勞勸張梨
不外求
前村山路險
歸醉每無愁
沫曰濟應

作齋杜康善造酒湍岳間居賦張公大谷之梨

贈李白

秋來相顧尚飄蓬
未就丹砂愧葛洪
痛飲狂歌空度日

飛揚跋扈為誰雄
飛揚跋扈亦謂太白耳正是妙意舊註以為祿山且沒交涉○趙曰晉書

葛洪字稚川聞交趾出丹砂求為句漏令北史齊高祖謂世子曰侯景專制河南十四年常有飛揚跋扈之志

登兗州城樓

東郡趨庭日
南樓縱目初
浮雲連海岱
平野入青徐

涵梁語何地無之
孤嶂秦碑在
荒城魯殿餘
從來多古意
臨眺

獨躊躇
沫曰兗州漢之東郡漢曰公父閑嘗為兗州司馬公時省視之故云趨庭是時張玠亦客兗

州有分好玠子乃建封也王禹偁曰海岱東海泰山也青徐二州也皆與兗相接沫曰史記始皇東行郡縣上

鄒嶧山刻石頌功德李斯作文唐志兗州魯郡也王文考魯靈光殿賦序魯靈光殿者漢恭王餘所立也遭漢

中微自西京未央建章之殿悉見隳壞而靈光歸然獨存

對雨書懷走邀許主簿

鶴曰兗州任城縣是也

欽定四庫全書

集千家註杜工部詩集

五

東嶽雲峯起
溶溶滿太虛
震雷翻幕燕
驟雨落河魚
座

對賢人酒門
聽長者車
相邀愧泥濘
騎馬到階除
沫曰左傳

季札曰夫子之在此也猶燕之巢於幕上魏略魏太祖時酒禁人竊飲之故難言酒以清者為聖人濁者為賢

人漢書陳平家以席為門門外多長者車轍

已上人茅齋

歐陽公曰僧齊己也善吟詩知名於唐

已公茅屋下
可以賦新詩
枕簟入林僻
茶瓜留客遲
江

蓮搖白羽天
棘蔓青絲空
忝許詢輩難
酬支遁詞
沫曰白羽

謂扇也學林新編云天棘蔓青絲蓋天門冬亦名天棘其苗蔓生好纏竹木上葉細如青絲寺院庭檻中多植

之可觀後人改蔓字為夢又釋天棘為柳皆非也趙曰歐陽公善本夢作蔓字夢弼曰博物志抱朴子皆言天門冬一名顛棘蓋顛天聲相近也趙曰晉支遁字道林講維摩經許詢常設問難

房兵曹胡馬

胡馬大宛名鋒稜瘦骨成竹批雙耳峻風入四蹄輕所向無空闊真堪託死生

里可橫行汴曰漢伐大宛獲汗血馬作西極天馬之歌

汴曰漢伐大宛獲汗血馬作西極天馬之歌

汴曰漢伐大宛獲汗血馬作西極天馬之歌

畫鷹

欽定四庫全書

集千家註杜工部詩集

素練風霜起素練如霜謂未畫時絹色耳註設蒼鷹畫作殊搜身思狡

兔側目似愁胡以碧眼言之條鏃光堪摘軒楹勢可呼何當

擊凡鳥毛血灑平蕪鄭曰搜荀勇切洙曰搜身猶疎身也隋魏彥深鷹賦立如植木望似

愁胡鄭曰條他刀切編絲繩也鏃徐釗切圓轆轤也黃山谷曰勢可呼謂可呼以獵也

臨邑舍弟書至苦雨黃河泛溢隄防之患簿領所

憂因寄此詩用寬其意鶴曰按唐地理志臨邑縣屬齊州河南道又按五行

志開元二十九年七月伊洛及支川皆溢是秋河南河北二十四郡水

二儀積風雨百谷漏波濤大家數語聞道洪河圻遙連

滄海高職司憂悄悄郡國訴嗷嗷舍弟卑棲邑防川領簿曹尺書前日至版築不時操難假鼉鼉力空膽烏鵲

毛燕南吹畎畝濟上沒蓬蒿螺蚌滿近郭蛟螭乘九阜

徐關深水府碣石小秋毫白屋留孤樹青天失萬艘

有氣無吾衰同泛梗利涉想蟠桃倚賴天涯釣猶能掣

巨鼇汴曰漢書考城令王渙謂主簿仇覽曰枳棘非實鳳所棲趙曰汲冢紀年周穆王東至九江以鼉鼉

為橋梁洙曰淮南子烏鵲填河成橋鶴曰齊地紀云渤海東有碣石徐關亦齊地也洙曰山海經東海度索山有大桃屈盤三千里名曰蟠桃列

子龍伯之國有大人釣而連六鼇

欽定四庫全書

集千家註杜工部詩集

冬日有懷李白

寂寞書齋裏終朝獨爾思更尋嘉樹傳不忘角弓詩

出處別謂他種樹為隱者之計我之不忘如角弓以其詩故也

遲未因乘興去空有鹿門期洙曰左傳昭公二年晉侯使韓宣子來聘公享之韓

子賦角弓既享宴於季氏有嘉樹焉宣子譽之武子曰宿敗不封殖此樹以無忘角弓遂賦甘棠漢書貢禹曰

禍不完註云祗者謂僅豎所著布長襦也禍毛布也鄭曰祗臣虔切禍胡葛切師曰還丹九轉丹也九迴循環

然後成就洙曰晉王子猷雪夜乘興訪戴安道後漢龐德公攜妻子登鹿門山因採藥不返

龍門

鶴曰龍門在河南此詩云往來時屢改當是天寶初作口天寶初東都作